



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 361. Usque Ad Annum 395

**Fleury, Claude**

**August. Vind. [u.a.], 1758**

**VD18 90117786**

§. 31. Martyres in Italia, & in Gallia.

---

[urn:nbn:de:hbz:466:1-66032](https://nbn-resolving.org/urn:nbn:de:hbz:466:1-66032)

*pta, irritavimus. Subscriptionum nostrarum exempla vobis transmittimus, ut, quisquis pacem nostram cupit, nobis diligenter formulam suam mittat, qua fidem Nicænam recipiat, & Concilium Ariminense damnet.* Ex hac epistola dispicere est, quam largos fructus S. Eusebii in Illyrico labores tulerint, ubi antea sub Photino, Germinio, Ursacio, & Valente hæresis fuerat dominata.

Sæculum IV.  
A. C. 362.

§. XXXI.

*Martyres in Italia, & in Gallia.*

**M**ulti leguntur in antiquis Martyrologiis sub Juliano Romæ Martyrium passi. Quos inter inveniuntur Joannes, & Paulus, quos præcipuis in aula sub Constantino officiis spectabiles fuisse dicunt; Pigmenius, Priscus, Joannes, & Januarius Presbyteri; Bibiana Virgo, Mater ejus Dafrosa, & Flavianus Pater, qui Præfectus fuisse fertur. Gordianus Præfecti Vicarius, & quidam alii. Inter hos illustrissimæ famæ sunt SS. Joannes, & Paulus. Illud certum est, a Juliano Apronianum Gentilem, & Christianis infensissimum anno 363. Romæ Præfectum fuisse constitutum. Is Romam adveniens unius oculi jacturam fecit, cumque id sibi maleficio accidisse crederet, ad conqui-  
rendos Magos, veneficosque accensus est; atqui inter alias criminationes, quibus

Baron. anns  
362. ex Mart.  
tyr. & act.  
Mart. Rom.  
2. Decembr.  
10. Maji.  
26. Jun.  
An. XXXVI.  
c. 3.

G 2

Chri-

Sæculum IV. Christiani vexabantur, veneficium nume-  
 A. C. 362. rabatur.

*Paulin. ep.*  
 28. ad *Vi-*  
*tric. 2.*  
*Martyr. 7.*  
*Aug.*

In Gallia miles, nomine Victricius, solempni die, coram Tribuno stantibus in ordine militibus, progressus, abjectis armis, militiæ se nuntium mittere edixit; Tribunus fustibus casum, & testarum aculeis laceratum ad Comitem remisit, qui eum capite damnavit; carnifex, cum eum duceret, manu locum signabat, quo eum percuteret, & ecce! repente utroque oculo capitur; Victricius in carcerem mittitur, vinculis ferreis tam arcte manus ejus constringentibus, ut nexus ad ossa penetrarent; rogavit ergastularios, ut paulisper relaxarent, ipsis tantillum obsequium denegantibus orans, ad Jesum Christum convertitur, tum subito Ministri vincula, nemine solvente, decidere conspexerunt; denuo vincire non ausi, & stupore turbati, ad Comitem decurrentes, prodigium narrant; is ipse ad fidem conversus, Victricium libertati restituit. Victricius post hæc Episcopus Rhothomagensis fuit, & fructu labori respondente, fidem Catholicam per totam Oceani oram, quam Morini, & Nerviani habitabant, mirifice propagavit. Inter Martyres Galliæ quoque numeratur Eliphius Tullensis, cui Coloniae honos habetur. Illa tempestate Salustius, Juliani amicus, Galliarum erat Præfectus, ad quem

*Martyr.*

16. Octobr.

quem Julianus Orationem suam in Lau-  
dem Solis direxit, ubi omnem Rhetoricæ  
sux artem, & Theologiæ Gentilis Myste-  
ria dilucide exponit. Hunc Collegam  
in Consulatu assumpsit anno 363. S. Hi-  
larius modicum tractatum contra hunc  
Præfectum Salustium, & contra quem-  
dam Medicum, nomine Dioscorum scri-  
psit, nempe, ut pronum est conjecturare,  
in Religionis Catholicæ defensionem.

Sæculum IV.  
A. C. 362.

Am. XXI.

c. 8.

Hier. script.

Id. ad Magn.

Ep. 48. pag.

310.

§. XXXII.

*Quædam a Donatistis in Africa vi  
injusta peracta.*

Donatistæ in Africa occasionem sibi fa-  
vere rati, Libellum Juliano obtule-  
runt, quo rogabant, ut Episcopi sui sub  
Imperatore Constante, cum Paulum, &  
Macarium in Africam misisset, proscripti,  
revocarentur. Facile, quod petebant,  
Julianus concessit, jussitque, ut in posses-  
sionem Ecclesiarum suarum postliminio  
mitterentur. Veniunt ergo armata ma-  
nu, possessionem invadunt, multisque in  
locis, patratæ cædibus, ingentis sævitix  
specimina edunt; judices vero tantæ cru-  
delitatis exempla ad Imperatorem per-  
scribere sui esse muneris duxere. Felix  
Episcopus Zabanus, & Januarius Flumen-  
pisciensis venerunt Lemellam, ubi cum  
clausis Ecclesiæ portis arcerentur, quos-  
dam suorum tectum conscendere, & la-

Optat. lib. 2.

Sup. 12. §.

48. Aug. ad

Donat. ep.

105. al. 166.